

ԱՐՄԵՆԱԿԱՆ ԿՈՒՍԱԿՑՈՒԹՅԱՆ ԿԱԶՄ ԱՎՈՐՈՒՄԸ

Ա. Ա. ԿԱՐԱՊԵՏՅԱՆ

Արմենականների կուսակցության առաջացման ու կազմավորման հարցի շուրջ թե մալր հայրենիքում, և թե սփյուռքում ստեղծվել է ոչ այնքան ծավալուն գրականություն: Պատմաբաններից շատ շատերը, որպես կանոն, ոչ խորքային, ոչ էական հետազոտություններ են կատարել և բավարարվել են լոկ մակերեսային կարգի դատողություններով, երբեմն անելով հակադրական, ոչ ճշգրիտ բնութագրումներ: Մի կողմ թողնելով ազգի ու հայրենիքի ազատության գաղափարը, որոշ հետազոտողներ արմենական կուսակցությունը փորձել են պատկերացնել որպես ունևոր խավերի շահերի արտահայտիչ, որպես մանրբուրժուական կուսակցություն: Արմենական կուսակցության առաջացման ու գործունեության շուրջ ոչ ճշգրիտ փաստեր ու որակումներ կան «Հայ ժողովրդի պատմություն» բուհական դասագրքում, ուր այն միտքն է զարգացվում, թե իբր «Արմենականները ունեին իրենց ծրագիրը, որը կոչվում էր «Վարդապետարան Հայաստանի ազատագրության»: Դա... ազգային-դեմոկրատական բովանդակություն ունեցող մի ծրագիր էր... Բայց նրանց ծրագիրը տակավին շատ հեղհեղուկ էր¹: Եվ ոչ մի խոսք կուսակցության ծավալած քարոզչական և զենք ու զինամթերքի պաշարներ ստեղծելու ուղղությամբ ծավալած ակտիվ գործունեության, 1896 թ. Վանի ինքնապաշտպանական մարտերում արմենականների մեծ դերի մասին:

Արմենական կուսակցության մասին անորոշ դատողությունների տիպիկ օրինակ կարող է հանդիսանալ հայ ժողովրդի պատմության ակադեմիական հրատարակության VI հատորը, ուր ազատագրական շարժման ընդհանուր ֆոնի վրա, Մ. Փորթուգալյանի և Մ. Խրիմյանի գործունեության լուսաբանման հետ ընդհանուր խոսքեր են ասվում արմենական կուսակցության առաջացման մասին: Այդ կուսակցության ստեղծումը կապվում է 1889 թ. հիմնված «Հայոց հայրենասիրական Միության» հետ, արմենական կուսակցությունը ներկայացնելով որպես դրա գործնական կենտրոն, այն էլ որպես Վանի մասնաճյուղ²: Որոշ պատմաբաններ էլ չխորախալ առմենականների ծրագրի նրբությունների մեջ, գտել են, որ «Արմենական կուսակցությունը սկզբից ևեթ որդեգրում է ազգային մեկուսացման գիծ՝ ծրագրում հայտարարելով, որ նա գործելու է բացառապես հայ ազգի ուրտումն³: Արմենական կուսակցության կազմավորման ու գործունեության մասին անճիշտ դատողություններ կան «Հայկական Սովետական տարանում», ուր Մ. Փորթուգալյանը բնութագրվում է որպես «Արմենական կազմակերպության հիմնադիր և ղեկավար»⁴: Խ. Բարսեղյանը արմենականների առաջացումը, կարծում ենք, սխալմամբ կապել է արտասահմանի հետ, գրելով, որ «ծնունդ առնելով արտասահմանում, արմենականությունը իր թելերը ձգեց Վասպուրականում»⁵:

¹ Հայ ժողովրդի պատմություն, Երևան, 1979, էջ 253:

² Հայ ժողովրդի պատմություն, հ. VI, Երևան, 1981, էջ 187:

³ Վ. Ավետիսյան, Հայ հասարակական մտքի զարգացման մարքս-լենինյան փուլի սկզբնավորումը, Երևան, 1976, էջ 162:

⁴ Հայկական Սովետական Հանրագիտարան, հ. 12, Երևան, 1986, էջ 364:

⁵ Խ. Բարսեղյան, Մարքսիզմի տարածումը Հայաստանում, Երևան, 1967, էջ 164:

Որոշ հետազոտողներ էլ արմենական կուսակցության առաջացումը կապել են «Հայոց հայրենասիրական Միության» գործունեության հետ: Այսպես է վարվել, օրինակ, մեծանուն հայագետ Լեոն⁸, Ալդ կարգի ոչ ճիշտ մեկնարանություն կա նաև անվանի պատմաբան Ջ. Կիրակոսյանի մի գրքում, ուր ասված է, թե «Փոքրթուգայանի գաղափարները ու մտահղացումների ազդեցության տակ վանում կազմակերպվեց «Հայոց հայրենասիրական միությունը» մի գաղտնի կազմակերպություն, որ սկիզբ դրեց «Արմենական կուսակցության գործունեությանը»⁹, Այս պնդումը ճիշտ չէ, քանի որ «Հայոց հայրենասիրական միությունը» կազմավորվել է արմենական կուսակցության ստեղծումից ուշ՝ 1889 թ.: Մի շարք հետազոտողներ ու հրապարակագիրներ ևս թույլ են տվել նման անճիշտ պնդումներ, արմենական կուսակցության առաջացումը կապելով Մ. Փոքրթուգայանի հիմնադրած «Հայոց հայրենասիրական Միության» գործունեության հետ: Արմենականների հանդես գալու և գործունեության շուրջ նույն կարգի պնդումներ կան նաև Ղ. Վարդանյանի աշխատության մեջ¹⁰, Լևո որում, վերջինս գրում է, որ «Արմենականները առաջացան 1885 թ.» Մ. Փոքրթուգայանի ղեկավարությամբ, երբ Մարտելում հիմնվեց «Արմենիա» անունով թերթը¹¹, Արմենական կուսակցության պատմության լավագույն հետազոտող Վաչե Ղազարյանը իր գրքում մանրակրկիտ կերպով քննադատել է այդ հեղինակներին¹²:

Վերջին ժամանակներս լույս տեսավ պատմաբան Ա. Վամբարյանի աշխատությունը, որը հայրենի պատմագիտության մեջ, մեր կարծիքով, արմենականների մասին գրված առավել հաջողված ուսումնասիրությունն է¹³:

Արմենականները ժամանակին չեն ստեղծել հարուստ գրականություն և արխիվ: Պատճառներից ամենաէականն այն է եղել, որ նբանք իրենց կուսակցական ու հեղափոխական գործունեության մեջ առաջնորդվել են խրատագույն կարգապահության և հետեղական գաղտնիության սկզբունքներով: Բացառված չէ, որ կուսակցական փաստաթղթերի որոշ մասը ոչնչացվել է Վանի 1896 թ. ինքնապաշտպանական մարտերի ժամանակ: Արմենական կուսակցության պատմության լուսաբանման ամենահավաստի ու լավագույն աղբյուրներն են նշանավոր արմենական գործիչներ Ա. Նկարյանի, Ա. Դարբինյանի և Մ. Նաթանյանի հուշագրությունները, որոնք հրատարակվել են առանձին գրքերով¹⁴, Սփյուռքահայ պարբերականներում արմենական կուսակցության գործունեության շուրջ քաղմաթիվ հրապարակումներով հանդես են եկել արմենական գործիչներ Ա. Տեր-Մկրտչյանը և Ս. Չըթչյանը, որոնց հաղորդած տեղեկություններն ունեն անփոխարինելի նշանակություն¹⁵, Մամուլում իր հուշերով հանդես եկավ արմենական գործիչ Ե. Հովհանյանը¹⁶, Արմենական կուսակցության առաջացման շուրջ բազմաթիվ

⁸ Լեո, Թուրքահայ հեղափոխության գաղափարաբանությունը, հ. Ա, Փարիզ, 1934, էջ 144:

⁷ Ջ. Կիրակոսյան, Բուրժուական դիվանագիտությունը և Հայաստանը, Երևան, 1980, էջ 245:

⁸ Ղ. Վարդանյան, Արևմտահայերի ազատագրության հարցը և հայ հասարակական-քաղաքական հոսանքները 19-րդ դարի վերջին քառորդում, Երևան, 1967, էջ 287—288:

⁹ Նույն տեղում, էջ 287:

¹⁰ Վաչե Ղազարյան, Արմենական կուսակցությունը, Բեյրութ, 1981, էջ 9—10:

¹¹ Ա. Վամբարյան, Հայ հասարակական-քաղաքական միտքը արևմտահայության ազատագրության ուղիների մասին, Երևան, 1990, էջ 157—177:

¹² Ցուշեր Արմենակ Նկարեանի, Գահիրե, 1947, Արտակ Դարբինեան, Հայ ազատագրական շարժման օրերէն, Փարիզ, 1947, Միք. Նաթանեան, Արմենական կուսակցությունը, Գահիրե, 1990:

¹³ Պայթար, 6, 14, 15, 25. V. 1951 թ., Արծուի վասպուրական, 1956 թ., թիւ 2:

¹⁴ Նոր օր, Ֆրեզնո, 1964, մարտ, հունիս:

ընդամենը մեկնաբանություններ կան հնչական, դաշնակցական գործիչների հուշագրություններում ու աշխատություններում, թեև շատ դեպքեր երբեմն լուսաբանված են միակողմանի, սուբյեկտիվ դիրքերից¹⁵:

Այժմ տեսնենք, թե ինչպե՞ս և ի՞նչ հանգամանքներում առաջացավ արմենական կուսակցությունը: Հայ իրականության անդրանիկ կուսակցությունն առաջացավ Վան-Վասպուրականում, 1885 թ. XIX դ. երկրորդ կեսում Վանում իրենց ազգանպաստ-հայրենաշունչ հույժ կարևոր առաքելական գործունեություն էին ծավալել հայ համադական-քաղաքական մտքի ու ազատագրական շարժման նշանավոր գործիչներ Մ. Խրիմյանը, Գ. Սըրվանձտյանը, Մ. Փորթուգալյանը և Վ. Կամսարականը: Արմենականների գաղափարական ոգեշնչողը հանդիսացավ հայոց պատմության էջերում իր լուսամասով, առաջադեմ գաղափարներով ու գրական, վաստակով հավերժացած Մ. Փորթուգալյանը: Վասպուրականում նրա յոթնամյա գործունեությունը եղավ կյանքի ամենաբեղուն շրջանը: Եվ ճշմարիտ է, որ «ան էր, որ յեղափոխական կրակը Հայաստան բերա: Ան ցանեց նոր կեանքի և ազատ գաղափարների սերմերը ու իր աշակերտները թրծուած իր գաղափարական կրակով, իրենց վարդապետի հեռանալէն յետոյ՝ նոյնքան անձնութեամբ Վասպուրականի, Ատրպատականի և Բաղէշի կրթական գործի վարիչները՝ ինչպէս նաև յեղափոխութեան առաքեալները եղան երկար տարիներ»¹⁶:

Թուրքական իշխանությունների տեսադաշտից չի վրիպում Մ. Փորթուգալյանի կրակոտ գործունեությունը և շուտով փակում են նրա վարժապետանոցը, ու որպես անբարեհույս անձնավորության վտարում Վանից: Այնուհետև մեծ հեղափոխականը հաստատվում է ֆրանսիական Մարսել քաղաքում, ուր 1885 թ. օգոստոսին հրապարակում է իր իսկ հիմնադրած «Արմենիա» թերթի առաջին համարը: «Արմենիան» իր սուր, համարձակ հրապարակախոսական հարցադրումների և լայնախոհ հայրենասիրական ոգու շնորհիվ մեծ ժողովրդականություն ձեռք բերեց արևելահայ ու արևմտահայ իրականության մեջ, քականորեն ներգործելով ազգային-ազատագրական մտքի ու շարժման վրա:

Արմենական կուսակցությունը ստեղծեցին Մ. Փորթուգալյանի աշակերտները, որոնք մեծապես խանդավառված էին իրենց ուսուցչի ազատասիրական գաղափարներով: Նրանց շարքերում էին Մ. Թերլեմեզյանը (Ավետիսյան), Գ. Թերլեմեզյանը, Ռ. Շատիրյանը, Գ. Օտյանը, Գ. Աճեմյանը, Մ. Պարույրյանը, Ղ. Խանչյանը, Գ. Պետրիկյանը (Շիկահեր), Գ. Ասլանյանը և Ծ. Գոնգաճյանը, որոնք և փաստացիորեն հիմք գրեցին արմենական կուսակցության կազմավորմանը: Սկզբնական շրջանում նրանց ժողովների համար պետք էր խիստ գաղտնի մի թաքստոց: Երկար խորհրդակցությունից հետո երիտասարդները որոշում են հաւաքույթները կայացնել հրեականի մը մէջ, քանի որ տարուան մեծ մասը հնձանները պարապ կը մնան, և հետևաբար որեւէ կասկածի տեղի չեն տար: Որոշուեցաւ այս նպատակին համար օգտագործել Մկրտիչ և Գրիգորիս Թերլեմեզեաններուն հնձանը, որուն միակ կարասին գետինը փռուած խրսիրն էր, որուն անունովն ալ այդ հաւաքավայրը կոչուեցաւ Խսրի Տուն»¹⁷: Արմենականները սկզբնական շրջանում քաթիվ էին, բայց 1890-ական թվականներին զգալի ուժ ունեցող մի ազդեցիկ կազմակերպություն էին ներկայացնում:

15 Արսէն Կիտուր, Պատմութիւն Ս. Գ. Հնչական կուսակցութեան, հրատ. Ա. Պէյրուֆ, 1962, էջ 320—321, Վահան Փափազեան, Իմ յուշերը, հ. Ա, Պոսթոն, 1950, էջ 130, Համբարձում Երամեան, Յուշարձան Վան-Վասպուրականի, հ. Ա, Ալեքսանդրիա, 1950, էջ 210:

16 Քառասուն տարուան աշխատաւորը, Կ. Պոլիս, 1914, էջ 59:

17 Աւետիս Յափուհեան, Համառոտ պատմություն Ռամկավար Ազատական կուսակցության կազմության, Կահիրե, 1977, էջ 19:

Արմենականները հետևում էին Մ. Փորթուգալյանի հիմնած «Արմենիա» թերթի ուղղվածությանը, պրոպագանդելով նրա քարոզած գաղափարները, բայց ճիշտ չէ պատմագիտության էջերում հրեքման հանդիպող այն տեսակետը, ըստ որի Մ. Փորթուգալյանը համարվում է Արմենական կուսակցության փաստացի հիմնադիրը։ Արմենականները նրան համարում էին իրենց գաղափարական ոգեշնչողը, բայց «Մկրտիչ Փորթուգալյանը անմիջականորեն հիմնադիրը չեղավ Արմենական կուսակցության, այլ անոր յեղափոխական-հայրենասիրական շունչով տոգորված երիտասարդությունն էր, որ հիմնեց Արմենական կուսակցությունը՝ անոր գաղափարներուն հիման վրայ, մարմին տալով անոր գաղափարներուն։ ... Կուսակցությունը իր տպագիր խօսափողը կը նկատէր «Արմէնիա» թերթը, քանի որ լիովին կը բաժնէր անոր ջատագոված սկզբունքները, սակայն «Արմէնիան» երբեք կուսակցության պաշտօնաթերթ չեղաւ¹⁸։ Արմենական կուսակցության կազմավորման և սկզբնական շրջանի կուսակցական-հեղափոխական գործունեության մեջ մեծագույն դեր է խաղացել հայ ազգային-ազատագրական շարժման պանծալի գործիչ Մ. Ավետիսյանը, որը ղեկավարեց 1896 թ. Վանի հունիսյան ինքնապաշտպանությունը։ Նա սերում էր Վանի բազմադամ և հայտնի մի գերդաստանից, որը ազգին տուած էր յայտնի առևտրականներ, մտաւորականներ և անձնուանուէր նահատակ հերոսներ։ Հայի տիպար ընտանիք մը, յաւէտ չիշատակելի գերդաստան մը¹⁹։ Ժամանակակիցները շատ բարձր են գնահատել նրան, գտնելով, որ «Անտիսեան իր ընդունակութեանց կը միացնէր Թէրլէմէզեան վաղեմի գերդաստանին անուան ու հաբստությունեան հմայքը և մեծ ազդեցություն ունէր արմէնական շարժերուն վրայ»²⁰։ Կուսակցությունը թեկուզ իր ծրագրում և այլու թեկ պաշտոնապես կկոչվեր Արմենական կազմակերպություն, բայց «կազմակերպություն» բառը, նրա հիմնադիրների և անդամների համար հավասարազոր էր կուսակցություն հասկացությանը։ Արմենական կուսակցությունն օժտված էր քաղաքական կուսակցությանը հատուկ բոլոր բաղադրատարրերով։ Նրա ծրագիրը կամ կանոնագիրը, խստիվ գաղտնապահությունից ելնելով, կուսակցություն մասնաճյուղներում երկար ժամանակ պահվում էր ձեռագիր վիճակում։ Այն առաջին անգամ հրապարակվում է «Երկրի ձայնում»²¹։

Խորհրդահայ պատմագիտության մեջ, ինչպես ասվեց, գերիշխող է եղել այն կարծիքը, ըստ որի Արմենական կուսակցության ծրագիրը համարվել է Ռ. Պատկանյանի «Վարդապետարան Հայաստանի ազատագրության» գրքից։ Այն լույս է տեսել Մարտիում, 1889 թ. և, բնականաբար, չէր կարող լինել 1885 թ. ստեղծված կուսակցության ծրագիրը։ Բացի այդ, արմենական գործիչներից ոչ մեկը չի նշում, թե «Վարդապետարանը» երբևիցե ծառայել է որպես ծրագրային փաստաթուղթ կուսակցության գործունեության համար²², «Վարդապետարանը» չէր կարող հանդիսանալ ծրագրային փաստաթուղթ, քանի որ այն դոգմատիկ ու ստանդարտ ձևակերպումներով անընդունելի կլինեի գործող կուսակցության համար։ «Վարդապետարանը» եղել է «Հայոց հայրենասիրական Միության» օգտագործած քարոզչական փաստաթղթերից մեկը և իր ջերմ, հայրենաշունչ պաթոսով ոգեշնչել է Միության անդամներին։ Արմենական կուսակցության ծրագիրը ծնվել է տվյալ պահի և ժամանակի պահանջներից ու ամբողջովին բխել Արևմտյան Հայաստանում տիրող ընդհանուր իրավիճակից։ Արմենական կուսակ-

18 Նույն տեղում, էջ 19—20։

19 Հայաստանի Հանրապետության պատմության պետական կենտրոնական արխիվ, ֆ. 427, ց. 1, գ. 37, էջ 1։

20 Հ. Երամեան, նշվ. աշխ., էջ 354—355։

21 Ա. Համբարյան, նշվ. աշխ., էջ 158։

22 Վաչէ Ղազարեան, նշվ. աշխ., էջ 19։

ցության ծրագիրը, որն ընդունվել է 1894 թ., կոնկրետ ժամանակի ծնունդ էր: Կուսակցության ծրագիրը մշակողները հետևողականորեն հաշվի էին առել Արևմտահայաստանում գոյություն ունեցող ռեալ իրավիճակը և որպես առաջնահերթ նպատակ մատնանշել էին այդ դժոխային կացությունը վերափոխելու ուղին:

Այդ ուղին հեղափոխությունն էր: Կուսակցության ծրագիրը հռչակում էր. «Արմենական կազմակերպության նպատակը յեղափոխութեամբ Թիւրքիայի հայ ժողովրդեան համար իրաւունք ձեռք բերել ինքզինք ազատորէն կառավարելու»²³: Ծրագրում նշվում էր, որ կուսակցությունն իր ներքին ուժը զոյացնելու է ժողովրդի բոլոր խավերից, առանց նվազագույն իսկ՝ դասակարգային իմաստով խտրականություն դնելու: Կուսակցության գործակերպը մերժում էր ցույցերի անցկացման պրակտիկան, միաժամանակ՝ գտնելով աննպատակահարմար՝ կուսակցական մասնաճյուղերի գործունեությունը կապել երկրից դուրս գտնվող արտասահմանյան կենտրոնների հետ: Կուսակցությունը գտնում էր, որ շպետք է իր ուժերը ցրի, այլ ազգերի մեջ հեղափոխական շարժումներ առաջ բերի, քանզի, ինչպես ասվում է ծրագրում, հայ ազգի ու մյուս ցեղերի միջև զգացման, աշխարհայեցողության, պահանջների ու զարգացման մեծ տարբերություններ կան, որով հայ ազգի հեղափոխական շարժումը կարող էր դանդաղել ու կնճռուվել²⁴: Իսկ ինչպե՞ս և ինչպիսի միջոցներով էր Արմենական կուսակցությունը արևմտահայ ժողովրդին նախապատրաստելու ազատագրական հեղափոխության: Այդ մասին կուսակցության ծրագրում ասվում է հետևյալը. «Արմենական կազմակերպութիւնս իր նպատակին հասնելու համար կաշխատի ներքին ոյժ գոյացնել, միացնելով իրարու հետ միեւնոյն գաղափարի ծառայող հայ հայրենասէրներ եւ կեդրոնական ուղղութեան ենթարկելով ժողովուրդը արթնցնել, կազմակերպութեան մղել եւ նպաստել տալ առանց բռնի միջոցների, յեղափոխական գրականութեամբ, ընտիր դաստիարակութեամբ, գործի ազնիւ կենցաղով եւ քարոզով գաղափար տարածել, կանոնաւոր եւ յարատեւ յարաբերութիւն մշակել, գիտակրթութեան եւ կարգապահութեան վարժեցնել, ինքնապաշտպանութեան զգացում արծարծել, զէնք եւ դրամ հայթայթել, գիտութեան շարժում խմբեր կազմակերպել եւ ի հարկին գործածել եւ ընդհանուր շարժման պատրաստել, երբ մանաւանդ արտաքին հանգամանքներն ալ (օտար պետութիւնների եւ շրջակա ցեղերի տրամադրութիւնները) մեզ նպաստաւոր համարուին»²⁵:

Արմենական կուսակցության ծրագիրը կառուցված էր իրական հողի վրա, նկատի ունենալով այն դժնդակ պայմանները, որում հայտնվել էր արևմտահայությունը:

Կուսակցության ծրագիրը սոցիալական հեղափոխության և հնարավոր վարչաձևի հարցը թողնում էր ապագային, առաջնահերթը հռչակելով ամբողջ արևմտահայության ազատագրումը թուրքական լծից:

Արմենականների ծրագիրը չէր դնում ընկերվարական միջազգայնական նպատակներ, քանի որ ճիշտ գնահատելով գավառում տառապող հայ ժողովրդի նյութական ծանր պայմանները և ռարերու կեղեքումով խեղճացած հոգեբանությունը, ընկերային յետամնաց վիճակը՝ չէին փորձել որեւէ միջազգային վարդապետութեան եւ ընկերվարական դաւանանքի փորձարկութիւն կատարել կանխահասօրէն, հայ գիւղացիի գլխուն վրայ, որմէ ան ոչինչ կը հասկնար»²⁶:

²³ Արմ. Եկաբեան, Նշվ. աշխ., էջ 81:

²⁴ Նույն տեղում, էջ 81—82:

²⁵ Նույն տեղում, էջ 82:

²⁶ Հ. Ուզունեան, Արևմտահայ Ազատագրական պայքարն Արմենական կուսակցութեան մէջ եւ Ռամկավար Ազատական կուսակցութիւնը իր 60-ամեակին, Լոս Անճելէս, 1986, էջ 23:

31 ၎် မၤ နၢ် နၢ် မၤ နၢ် မၤ နၢ်, မၤနၢ်. မၤနၢ်, မၤ 29.

Մասնաժողովին իր նիստերը դումարում էր երեք շաբաթ մեկ: Այդ նիստերին կարող էին մասնակցել կուսակցության ծրագիրն ընդունող համալիր անգամներ ևս, պայմանով, որ նրանց խիվը չկազմի մասնաժողովի անդամների կեսից ավելին: Մասնաժողովները վարում էին տեղական և ամեն կարգի գործերը, բայց առանց Կենտրոնի թույլտվության չէին կարող հաբաբերությունների մեջ մտնել հեղափոխական այլ կազմակերպություններին հետ: Մասնաժողովը վարում էր մեկ կամ ավելի համայնքներից կազմված շրջանակների գործերը և կապ էր պահպանում Կենտրոնի ու այլ մասնաժողովների հետ: Կուսակցության Կենտրոնը կազմվում էր յուրաքանչյուր շրջանակի մասնաժողովի ներկայացուցիչներից: Այն կուսակցության գերագույն մարմինն էր, որը վարում էր հեղափոխական գործի վերին տեսչությունը՝ կանոնավոր հաբաբերություններ ունենալով մասնաժողովների, ինչպես նաև կապ պաշտպանելով հեղափոխական այլ մարմինների հետ: Շրջանակների թիվը որոշվում էր Կենտրոնի կողմից: Սինչ այժմ հավաստի տեղեկություններ կան Արմենական կուսակցության հինգ շրջանակների գոյության մասին²³: Կազմակերպական տեսակետից ամբողջ Վասպուրականը, որը կուսակցության Ա շրջանակն էր, բաղկացած էր չորս համայնքից՝ Յայկոյա Ձոր, Նորաշեն, Արարք և Քալբաթան²⁴: Գուրաբանչյուր շրջանակ ուներ իր հատուկ կանոնադրությունը, որով տեղի պահանջներին համեմատ որոշվում էր նրա զանազան հատվածների պարտականություն և իրավունքների սահմանը, ինչպես նաև մասնաժողովների ընտրության եղանակը: Ներքին կանոնադիրը չպիտի հակասեր կուսակցության ծրագրի որևէ կետին: Կուսակցության մեջ կազմակերպական այս գործադիր մարմիններին զուգահեռ գործում էր գլխավորական ատյանը կամ մարմինը, որի խորհրդակցություններին մասնակցում էին Կենտրոնի երկու ներկայացուցիչներ: Զինվորական ատյանը իր տրամադրության ներքո ուներ հատուկ ընտրված մի քանի տասնյակ մարտիկներից բաղկացած խմբեր, որոնք միշտ պատրաստ էին գործադրելու ստացված հրահանգները: Կենտրոնը պետք է ունենար իր հատուկ պաշտոնաթերթը, որը կարածներ կուսակցության դավանած գաղափարները և պաշտոնական հայտարարություններն ու որոշումները: Մրադրում նշված էր, որ «Արմենական կազմակերպությունն հիմնուած ըլլալով «Արմենիա»-յի ցարդ քարոզած սկզբունքներուն վրայ, կաշխատի այդ թերթի գաղափարի տարածման»²⁵: Սակայն ծրագրի այդ կետը պետք է ընդունել մի շարք վերապահություններով: «Արմենիան» ոչ մի փուլում չի եղել արմենականների կուսակցության կենտրոնական պաշտոնաթերթը: Ինչպես նշում է Վ. Ղազարյանը, թերթը միայն որոշ, սկզբնական շրջանի համար կարող էր լինել կուսակցության խոսափողը, իսկ արմենական Ս. Զթյանն անդրադռնալով 1895-ի օրերին, երբ արմենականները բավական զորեղ էին, նշում է, որ առաջարկություններ կախն նոր ծրագրի և նոր պաշտոնաթերթի մասին²⁶: Արմենական նշանա-

88 Կ ա չ է Ղ ա գ ա թ ե ա ն, նշվ. աջիւ., էջ 15:

վոր գործիչ Արտակ Դարբինյանն իր հուշագրության մեջ հիշատակում է կուսակցական պարագլուխ Մ. Ավետիսյանի այն խոսքերը, թե «Փորթուկուսական այժմ հեռու է երկրէն, օտար անկիւն մը ապաստանած՝ զբաղած է իր «Արմէնիա» թերթին հրատարակութեամբ: Կարելի է օգտուիլ այդ թերթին մէջ երեւցած այս կամ այն թելադրութիւններէն, բայց մենք արդէն մտել ենք գործնական աշխատանքներու շրջանին մէջ: Մեր լաւագոյն թեւադրութիւնները այժմ Ներկին մէջ գործող ուժերէն եւ անոնց գործունէութեան տուած արդիւնքներէն կուգան»³⁷:

Առհասարակ և արմենական, և այլ հուշագրողներ բազմիցս նշել են, որ Մ. Փորթուկուսյանը արմենական կուսակցության հետ թաքտյականէն զատ ուրիշ կապակցութիւն չունի³⁸:

Արմենական կուսակցության ծրագիրը հետագայում ենթարկվել է լուրջ մասնակի փոփոխությունների, ըստ էության պահպանելով իր հիմնական բովանդակությունը: Բայց այն թյուրիմացաբար է ըմբռնվել ժամանակի և հետագա որոշ գործիչների ու հետազոտողների կողմից: Ոմանք, անդրադառնալով կուսակցության ծրագրին, այն մեկնաբանել են որպես ոչ իրատեսական, իսկ մյուսները գրել են, թե արմենականությունը պարզապես մարդկանց խայտարղետ խմբակցություն էր³⁹, Ուրիշները հասել են այնտեղ, որ «դատավճիռ» են արձակել, թե «կուսակցութեան մը որակումն իսկ դժուար է տալ արմենականութեան, որ ընդհանուր շփոթ մտայնութեան մը սխալ տեսլական է կազմակերպութեան մը ձեւին տակ»⁴⁰: Պարզապես զարմանալ կարելի է, թե որտեղից է գալիս այս եզրահանգումը:

Շղեւ են պատմաբաններ, որոնք անտեղյակությամբ արմենականների ծրագիրը համարելով «Վարդապետարան Հայաստանի՝ ազատագրության» գրքուկը, հեղտությամբ քննադատել են, թե «Դա տակալին՝ հեղհեղուկ ծրագիր էր, որի վրա նկատելի էր բուրժուական և անգամ կղերական հայացքների ազդեցությունը»⁴¹: Այսօր, խորթ են հնչում խորհրդահայ պատմագիտության մեջ ժամանակին տեղ գտած այն պատկերացումները, ըստ որոնց «...արմենական կուսակցությունը արեւմտահայ բուրժուազիայի իղձների առաջնայտիչն էր, նրա անդամները մեծ մասամբ պատկանում էին տեղի սեփականատեր դասին, որը չէր ցանկանում դիմելի ենթարկել իրեն, իր ունեցվածքը թուրքական ջարդարար կառավարության... դեմ շնախապատրաստված, ժամանակավրեպ ելույթներով»⁴²:

Հետադարձում՝ ողուսական առաջին բուրժուա-դեմոկրատական հեղափոխության տարիներին, արմենական նշանավոր գործիչ Ծ. Քյոսյանը (Սեպուհ) կուսակցության կենտրոնի անունից գրեց մի թուղթիկ շրջաբերական, որը կցվեց ծրագրին որպես հավելված: Նրանում ասվում է, որ Հայկական հարցը, ինչպես բոլոր ճնշված, բայց իրենց ինքնուրույնությանը նախանձախնդիր ազգերի հարցերը, նոր չէ, այլ պատմականորեն է առաջացել: Թուրք կառավարության ամբաստանությունը, թե հայ ժողովուրդը թեպի-նի դաշնագրից հետո որևէ տեղ ապստամբել է, ոչ այլ ինչ է, եթե ոչ ժայրահեղ նենգամիտ սադրանք: Այնուհետև նշվում է, եթե ստորրական մարդկային իրաւունքներ զլացւում է կուլտուրապէս մի ժողովուրդի. նա ամէն իրաւունք ունի ապստամբելու: Սակայն իրաւունքը միայն հերիք չէ, սորա համար առաջ եւ առաջ ոյժը եւ արտաքին պաշտպանութիւնը կարեւոր

37 Արտակ Դարբինյան, նշվ. աշխ., էջ 43—44:

38 Համարձեռն Երամեան, նշվ. աշխ., էջ 355:

39 Ղ. Ղարաբաշյան, Հեղափոխականի հիշատակարանը (նախկին մարքսիզմ-լենինիզմի խնամիտ. հայկ. մասնաճյուղի արխիվ, ֆ. 51, գ. 90, թ. 37):

40 Լեւոն Զորսմիսեան, Համապատկեր արեւմտահայոց մէկ դարու պատմութեան, հ. Բ, Պէյրուք, 1974, էջ 194:

41 Վ. Ա. Պարսմյան, Պատմագիտական աշխատություններ, Երևան, 1985, էջ 211:

42 Վ. Ավետիսյան, նշվ. աշխ., էջ 82:

են, որոնք դժբախտաբար չէ ունեցելու հայ ժողովուրդը»⁴³, Հավելվածում շեշտվում է, որ հայ ժողովուրդը պարտավորված է իր բոլոր միջոցներով փարել ինքնապաշտպանության գաղափարին, իր մարդկային իրավանց ղատին՝ ձեռք բերելու համար տանելի մի միջակ: Իսկ ինքնապաշտպանության գաղափարը իրացնելու համար անհրաժեշտ է ոչ միայն հայի ձեռքը զենք դնել, այլև կրթել նրա ստրկացած բնավորությունը, զարգացնել նրա մեջ մարդկային արժանապատվության զգացումը: Հավելվածում հռչակվում էր, որ «Լեւկերային, սոցիալիստական յեղափոխութիւնը մեր իրականութեան հետ կապ ունեցող հեռաւոր գաղափարն է, որին պէտք է ձգտել անհապառարկել, երբ որ քաղաքական կարգերի եւ տնտեսական պայմանների շնորհիւ առաջ կուգայ մեր մէջ նոր հասարակութիւն»⁴⁴: Այս դրույթը նորություն էր արմենականների 1894 թ. ծրագրի հետ համեմատած, և, անշուշտ, կապված էր Լուսաստանում տեղի ունեցող հեղափոխական իրադարձությունների հետ, որը շարժել էր արեւմտահայության բոլոր հետաքրքրությունը⁴⁵:

Այսպիսով, արմենականների ծրագիրը բխում էր բուն կյանքի պահանջներից, և իրավացի էր Ա. Դարբինյանը, երբ քննադատում էր. «Զեք Գտներ այդտեղ տող մը, նախադասութիւն մը, որ փոխ առնուած ըլլայ տարբեր միջոցներով, աւարներ ժողովուրդներու յեղափոխական կազմակերպութիւններու աշխարհայացքներէն» կա՛ն լողուններէն»⁴⁶: Արմենական կուսակցությունը առաջին և միակ հայ քաղաքական կուսակցությունն էր, որը հիմնվեց ու բնավորվեց Արեւմտյան Հայաստանում, նրա կենտրոնում, հետագայում, իհարկե, մասնաճյուղեր ունենալով զաղութահայության շրջանում: Արմենականներն իրենց կազմակերպությունները ունեցան Պարսկաստանում (Սալմաստ-Խալիք), Մուշում, Բայց կուսակցությունն իր հեղափոխական ու քարոզչական արմատական գործունեությունը ծավալեց հիմնականում Վան-Վասպուրականում:

Արմենական կուսակցության մեջ կային ամենատարբեր լեզվաբանների և կրթության մարդիկ՝ արհեստավորներ, հողագործներ, բժիշկներ, առևտրականներ, ուսուցիչներ, գործիչ-քաղաքացիներ, հոգևորականներ, ուղեցույցներ, իրավաբաններ, զինագործներ, հայդուկներ: Նրանք խիստ գաղտնի, առանց որևէ աղմուկի ու ցուցամոլության համառ ու հետևողական աշխատանք էին տանում օտարերի ամենալայն խավերի շրջանում՝ զինական ու զինավարժական հորժը կազմակերպելու համար: Արմենական կուսակցության, նրա իմբերի ու ծախսակ մասնաճյուղերի անդամների մեծագույն մասը Արեւմտահայաստանից էին, արեւմտահայեր և մասնավորապես Վան-Վասպուրականցիներ:

Այսպիսով, արմենական կուսակցությունը զոյացած ու հիմնված էր կազմակերպական ամրակուռ հիմքերի վրա, մեծապես հաշվի առնելով Արեւմտյան Հայաստանում պատմականորեն առաջացած գոյամիջակը և ներքին պայմանները: Արմենականներն իրավացիորեն ամենայն խստությամբ ու հետևողականությամբ նկատի էին ունեցել այն դժնդակ կացությունը, որի մեջ հայտնվել էր արեւմտահայությունը և կազմակերպական առումով կուսակցական կառույցը ստեղծել էին այնպես, որ իրենց հեղափոխական գործունեությունը ծավալելիս նվազագույն իսկ չափով վտանգի տակ չդնեն արեւմտահայ գոյակցությունը և անվտանգությունը՝ առաջնական ու քրդական բաշխողություններին առիթ չտալով զանազան պատրվակ-

43 Ա. Դարբինյան, նշվ. աշխ., էջ 170—171:

44 Նույն տեղում, էջ 171:

45 Ա. Համբարյան, նշվ. աշխ., էջ 166:

46 Նույն տեղում, էջ 125:

ներով թափելու արեմտահայերի արյունը: Արմենական ինտելիգենցիան կազմակերպական սկզբունքները ժամանակի հայ իրականության մեջ քաջադիմ ուղարկելը երևույթ են:

ФОРМИРОВАНИЕ ПАРТИИ АРМЕНАКАНОВ

А. О. КАРАПЕТЯН

Р е з ю м е

Арменаканы появились в Ване в 1885 г. Некоторые историки связывают создание партии непосредственно с именем Мкртича Португальяна. Однако многочисленные фактические материалы доказывают, что известный патриот Мкртич Португальян являлся идейным вдохновителем, а не основателем партии. Партия арменаканов была создана его учениками и последователями во главе с М. Аветисяном.